

ATODLEN 1

Rheoliad 7(2), (5) a (12)

Gwybodaeth am ddarpar rieni maeth ac aelodau eraill o'u haelwyd a'u teulu

RHAN 1

- 1.** Enw llawn, cyfeiriad a dyddiad geni.
- 2.** Manylion iechyd (wedi eu hategu gan adroddiad meddygol).
- 3.** Manylion unrhyw aelodau eraill o'r aelwyd sy'n oedolion.
- 4.** Manylion y plant yn y teulu, pa un a ydynt yn aelodau o'r aelwyd ai peidio, ac unrhyw blant eraill yn yr aelwyd.
- 5.** Manylion eu llety.
- 6.** Canlyniad unrhyw archiad neu gais a wnaed ganddynt neu gan unrhyw aelod arall o'u haelwyd i faethu neu fabwysiadu plant, neu i gofrestru'n warchodwr plant neu'n ddarparwr gofal dydd o dan Ran 2 o Fesur Plant a Theuluoedd (Cymru) 2010(1), gan gynnwys manylion unrhyw gymeradwyaeth flaenorol sy'n ymwneud â hwy neu ag unrhyw aelod arall o'r aelwyd, neu unrhyw wrthodiad blaenorol i gymeradwyaeth o'r fath.
- 7.** Os yw'r person, yn y tair blynedd flaenorol, wedi bod yn rhiant maeth a gymeradwywyd gan ddarparwr gwasanaethau maethu arall neu ddarparwr gwasanaethau maethu yn Lloegr, enw a chyfeiriad y darparwr gwasanaethau maethu hwnnw.
- 8.** Enwau a chyfeiriadau dau berson a fydd yn darparu geirda personol ar gyfer y person.
- 9.** Mewn perthynas â'r person ac unrhyw aelod arall o aelwyd y person sy'n 18 oed neu drosodd, dystysgrif cofnod troeddol manwl a ddyroddir o dan adran 113B o Ddeddf yr Heddlu 1997(2) sy'n cynnwys gwybodaeth addasrwydd sy'n ymwneud â phlant (o fewn ystyr "suitability information relating to children" yn adran 113BA(2) o'r Ddeddf honno).
- 10.** Manylion priodas, partneriaeth sifil neu berthynas debyg gyfredol ac unrhyw briodas, partneriaeth sifil neu berthynas debyg flaenorol.

RHAN 2

- 11.** Manylion personoliaeth.
- 12.** Argyhoeddiad crefyddol, a gallu i ofalu am blentyn o unrhyw argyhoeddiad crefyddol penodol.
- 13.** Tarddiad hiliol, cefndir diwylliannol ac ieithyddol a gallu i ofalu am blentyn o unrhyw darddiad hiliol neu gefndir diwylliannol neu ieithyddol penodol.
- 14.** Gallu i ddarparu cymorth i blentyn mewn perthynas â'i gyfeiriadedd rhywiol a'i hunaniaeth o ran rhywedd.
- 15.** Cyflogaeth neu alwedigaeth yn y gorffennol a'r presennol, safon byw, gweithgareddau hamdden a diddordebau.
- 16.** Profiad blaenorol (os o gwbl) o ofalu am eu plant eu hunain a phlant eraill.

(1) 2010 mccc 1.

(2) 1997 p. 50.

17. Sgiliau, cymhwysedd a photensial sy'n berthnasol i'w gallu i ofalu'n effeithiol am blentyn sydd wedi ei leoli gyda hwy.

ATODLEN 2

Rheoliad 7(9) a (10)

Troseddau a bennir at ddibenion rheoliad 7(9) a (10)

RHAN 1

Troseddau yng Nghymru a Lloegr

- 1.** Unrhyw un o'r troseddau a ganlyn yn erbyn oedolyn—
 - (a) troedd treisio o dan adran 1 o Ddeddf Troseddau Rhywiol 2003 (3),
 - (b) troedd ymosod drwy dreiddio o dan adran 2 o'r Ddeddf honno,
 - (c) troedd achosi i berson gymryd rhan mewn gweithgaredd rhywiol heb gydsyniad o dan adran 4 o'r Ddeddf honno, os oedd y gweithgaredd yn dod o fewn is-adran (4) o'r adran honno,
 - (d) troedd gweithgaredd rhywiol gyda pherson ag anhwylder meddwl sy'n llesteirio dewis o dan adran 30 o'r Ddeddf honno, os oedd y cyffwrdd yn dod o fewn is-adran (3) o'r adran honno,
 - (e) troedd achosi neu ysgogi person ag anhwylder meddwl sy'n llesteirio dewis i gymryd rhan mewn gweithgaredd rhywiol o dan adran 31 o'r Ddeddf honno, os oedd y gweithgaredd a achoswyd neu a ysgogwyd yn dod o fewn is-adran (3) o'r adran honno,
 - (f) troedd cymhell, bygwth neu ddichell i gaffael gweithgaredd rhywiol gyda pherson ag anhwylder meddwl o dan adran 34 o'r Ddeddf honno, os oedd y cyffwrdd o dan sylw yn dod o fewn is-adran (2) o'r adran honno, ac
 - (g) troedd achosi i berson ag anhwylder meddwl gymryd rhan neu gytuno i gymryd rhan mewn gweithgaredd rhywiol drwy gymhell, bygwth neu ddichell o dan adran 35 o'r Ddeddf honno, os oedd y gweithgaredd yn dod o fewn is-adran (2) o'r adran honno.

Troseddau yn yr Alban

2. Trosedd o dan adran 1 (treisio) a 18 (treisio plentyn ifanc) o Ddeddf Troseddau Rhywiol (Yr Alban) 2009(4).

3. Trosedd a bennir yn Atodlen 1 i Ddeddf Gweithdrefn Droseddol (Yr Alban) 1995(5), ac eithrio mewn achos pan oedd y troseddwr o dan 20 oed ar adeg cyflawni'r drosedd.

4. Trosedd plagiwm (lladrata plentyn o dan oedran aeddfedrwydd).

5. Trosedd o dan adran 52 neu 52A o Ddeddf Llywodraeth Ddinesig (Yr Alban) 1982(6) (ffotograffau anweddus o blant).

(3) 2003 p. 42.

(4) 2009 dsa 9.

(5) 1995 p. 46. Diwygiwyd Atodlen 1 gan baragraff 2(8)(a) a (b) o Atodlen 5 i Ddeddf Troseddau Rhywiol (Yr Alban) 2009, adrannau 7(1) ac 8(2) o Ddeddf Gwahardd Anffurio Organau Cenhedu Benywod (Yr Alban) 2005 (dsa 8), paragraff 2 o Atodlen 1 i Ddeddf Amddiffyn Plant ac Atal Troseddau Rhywiol (Yr Alban) 2005 (dsa 9) a chan adran 41(2) o Ddeddf Trwyddedu Cyflawnder Troseddol (Yr Alban) 2010 (dsa 13).

(6) 1982 p. 45. Diwygiwyd adran 52 gan adran 84(6) o Ddeddf Cyflawnder Troseddol a Threfn Gyhoeddus 1994 (p. 33) ("Deddf 1994") a pharagraff 17 o Atodlen 9 iddi, paragraff 44(3) o Atodlen 4 i Ddeddf Gweithdrefn Droseddol (Darpariaethau

6. Trosedd o dan adran 3 o Ddeddf Troseddau Rhywiol (Diwygio) 2000(7) (camfanteisio ar ymddiriedaeth).

Troseddau yng Ngogledd Iwerddon

7. Trosedd o dan Erthygl 5 (treisio) ac Erthygl 12 (treisio plentyn o dan 13 oed) o Orchymyn Troseddau Rhywiol (Gogledd Iwerddon) 2008(8).

8. Trosedd a bennir yn Atodlen 1 i Ddeddf Plant a Phobl Ifanc (Gogledd Iwerddon) 1968(9), ac eithrio yn yr achos pan oedd y troseddwr o dan 20 oed ar adeg cyflawni'r drosedd.

9. Trosedd o dan Erthygl 3 o Orchymyn Amddiffyn Plant (Gogledd Iwerddon) 1978(10) (ffotograffau anweddus).

10. Trosedd yn groes i Erthygl 15 o Orchymyn Cyfiawnder Troseddol (Tystiolaeth, etc) (Gogledd Iwerddon) 1988(11) (meddu ar ffotograffau anweddus o blant).

RHAN 2

11.—(1) Trosedd o dan unrhyw un neu ragor o'r adrannau a ganlyn o Ddeddf Troseddau Rhywiol 1956(12)—

- (a) adran 1 (treisio),
- (b) adran 5 (cyfathrach â merch o dan 13 oed),
- (c) yn ddarostyngedig i baragraff 14, adran 6 (cyfathrach â merch rhwng 13 ac 16 oed),
- (d) adran 19 neu 20 (herwgydio merch o dan 18 neu 16 oed),
- (e) adran 25 neu 26 (caniatáu i ferch o dan 13 oed, neu rhwng 13 ac 16 oed, ddefnyddio mangre i gael cyfathrach), ac
- (f) adran 28 (achosi neu annog puteinio merch o dan 16 oed, cyfathrach â hi neu ymosodiad anweddus arni).

(2) Trosedd o dan adran 1 o Ddeddf Anwedduster gyda Phlant 1960(13) (ymddygiad anweddus tuag at blentyn ifanc).

(3) Trosedd o dan adran 54 o Ddeddf Cyfraith Trosedd 1977(14) (ysgogi merch o dan 16 oed i gyflawni llosgach).

(4) Trosedd o dan adran 3 o Ddeddf Troseddau Rhywiol (Diwygio) 2000(15) (camfanteisio ar ymddiriedaeth).

Canlyniadol (Yr Alban) 1995 (p. 40) a pharagraff 89 o Atodlen 15 i Ddeddf Cyfiawnder Troseddol 1988 (p. 33) ("Ddeddf 1988"). Mewnosodwyd adran 52A gan adran 161 o Ddeddf 1988 ac fe'i diwygiwyd gan adran 84(7) o Ddeddf 1994.

(7) 2000 p. 44. Diwygiwyd adran 3 gan baragraff 62 o Atodlen 28 i Ddeddf Partneriaeth Sifil 2004 (p. 33) ac fe'i diddymwyd gan Atodlen 6 i Ddeddf Troseddau Rhywiol (Yr Alban) 2009 (nad yw mewn grym eto).

(8) O.S. 2008/1769 (G.I. 2) ("Gorchymyn 2008").

(9) 1968 p. 34 (G.I.). Diwygiwyd Atodlen 1 gan baragraff 7 o Atodlen 10 i Ddeddf Trais Domestig, Troseddu a Dioddefwyr 2004 (p. 28). Erthygl 7 o Orchymyn Herwgydio Plant (Gogledd Iwerddon) 1985 (G.I. 17), paragraff 54(b) o Atodlen 9 i Orchymyn Plant (Gogledd Iwerddon) 1995 (G.I. 17), paragraff 6(a), (b) ac (c) o Atodlen 1 i Orchymyn Cyfiawnder Troseddol (Gogledd Iwerddon) 2003 (G.I. 13), paragraff 18(3) o Atodlen 6 i Ddeddf Troseddau Rhywiol 2003 (p. 42), paragraff 12(4) o Atodlen 1 i Orchymyn 2008 a pharagraff 57 o Atodlen 21 i Ddeddf Crwneriaid a Chyflawnwr 2009 (p. 25).

(10) O.S. 1978/1047 (G.I. 17). Diwygiwyd Erthygl 3 gan adran 84 o Ddeddf 1994 ac Erthygl 42(4) o Orchymyn 2008.

(11) O.S. 1988/1847 (G.I. 17). Diwygiwyd Erthygl 15 gan adran 41(4) o Ddeddf Cyfiawnder Troseddol a Gwasanaethau Llysoedd 2000 (p. 43), adran 84(11) o Ddeddf 1994, paragraff 25 o Atodlen 26 i Ddeddf Cyfiawnder Troseddol a Mewnfudo 2008 ac Erthygl 42(7) o Orchymyn 2008.

(12) 1956 p. 69.

(13) 1960 p. 33.

(14) 1977 p. 45.

(15) 2000 p. 44.

12. Daw person o fewn y paragraff hwn os yw wedi ei euogfarnu o unrhyw un neu ragor o'r troseddau a ganlyn yn erbyn plentyn a gyflawnwyd pan oedd yn 18 oed neu drosodd neu os yw wedi cael rhybuddiad gan gwnstabl mewn cysylltiad ag unrhyw drosedd o'r fath—

- (a) trosedd o dan adran 2 neu 3 o Ddeddf Troseddau Rhywiol 1956 (caffael menyw drwy fygwth neu haeru anwir),
- (b) trosedd o dan adran 4 o'r Ddeddf honno (rhoi cyffuriau i gael neu hwyluso cyfathrach),
- (c) trosedd o dan adran 14 neu 15 o'r Ddeddf honno (ymosod anweddus),
- (d) trosedd o dan adran 16 o'r Ddeddf honno (ymosod gan fwriadu cyflawni sodomiaeth),
- (e) trosedd o dan adran 17 o'r Ddeddf honno (herwygdyio menyw drwy rym neu oherwydd ei heiddo), ac
- (f) trosedd o dan adran 24 o'r Ddeddf honno (cadw menyw mewn puteindy neu mewn mangre arall).

13. Daw person o fewn y paragraff hwn os yw wedi ei euogfarnu o unrhyw un neu ragor o'r troseddau a ganlyn a gyflawnwyd pan oedd yn 18 oed neu drosodd neu os yw wedi cael rhybuddiad gan gwnstabl mewn cysylltiad ag unrhyw drosedd o'r fath—

- (a) trosedd o dan adran 7 o Ddeddf Troseddau Rhywiol 1956 (cyfathrach â pherson diffygiol drwy gael cyfathrach rywiol â phlentyн,
- (b) trosedd o dan adran 9 o'r Ddeddf honno (caffael person diffygiol) drwy gaffael plentyn i gael cyfathrach rywiol,
- (c) trosedd o dan adran 10 o'r Ddeddf honno (llosgach gan ddyn) drwy gael cyfathrach rywiol â phlentyн,
- (d) trosedd o dan adran 11 o'r Ddeddf honno (llosgach gan fenyw) drwy ganiatáu i blentyn gael cyfathrach rywiol â hi,
- (e) yn ddarostyngedig i baragraff 14, trosedd o dan adran 12 o'r Ddeddf honno drwy gyflawni sodomiaeth â phlentyн o dan 16 oed,
- (f) yn ddarostyngedig i baragraff 14, trosedd o dan adran 13 o'r Ddeddf honno drwy gyflawni gweithred o anwedduster difrifol â phlentyн,
- (g) trosedd o dan adran 21 o'r Ddeddf honno (herwygdyio person diffygiol oddi wrth riant neu warcheidwad) drwy gymryd plentyn o feddiant ei riant neu ei warcheidwad,
- (h) trosedd o dan adran 22 o'r Ddeddf honno (achosi puteinio menywod) mewn perthynas â phlentyн,
- (i) trosedd o dan adran 23 o'r Ddeddf honno (caffael merch o dan 21 oed) drwy gaffael plentyn i gael cyfathrach rywiol â thrydydd person,
- (j) trosedd o dan adran 27 o'r Ddeddf honno (caniatáu i berson diffygiol ddefnyddio mangre ar gyfer cyfathrach) drwy gymell neu ganiatáu i blentyn droi at fangre neu fod mewn mangre at ddiben cael cyfathrach rywiol,
- (k) trosedd o dan adran 29 o'r Ddeddf honno (achosi neu annog puteinio person diffygiol) drwy achosi neu annog puteinio plentyn,
- (l) trosedd o dan adran 30 o'r Ddeddf honno (dyn yn byw ar enillion puteindra) mewn achos pan fo'r butain yn blentyn,
- (m) trosedd o dan adran 31 o'r Ddeddf honno (menyw yn arfer rheolaeth dros butain) mewn achos pan fo'r butain yn blentyn,

- (n) troedd o dan adran 128 o Ddeddf Iechyd Meddwl 1959(**16**) (cyfathrach rywiol â chleifion), er gwaethaf bod y ddarpariaeth wedi ei diddymu, drwy gael cyfathrach rywiol â phlentyn,
- (o) troedd o dan adran 4 o Ddeddf Troseddau Rhywiol 1967(**17**) (caffael eraill i gyflawni gweithredoedd cyfunrhywiol) (er gwaethaf bod y ddarpariaeth wedi ei diddymu) drwy—
 - (i) caffael plentyn i gyflawni gweithred o sodomiaeth ag unrhyw berson, neu
 - (ii) caffael unrhyw berson i gyflawni gweithred o sodomiaeth â phlentyn,
- (p) troedd o dan adran 5 o'r Ddeddf honno (byw ar enillion puteindra gwryw) drwy fyw yn gyfan gwbl neu'n rhannol ar enillion puteindra plentyn, a
- (q) troedd o dan adran 9(1)(a) o Ddeddf Dwyn 1968(**18**) (bwrgleriaeth), drwy fynd i adeilad neu ran o adeilad gan fwriadu treisio plentyn.

14. Nid yw paragraffau 11(1)(c) a 13(e) ac (f) yn cynnwys troseddau mewn achos pan oedd y troseddwr o dan 20 oed ar adeg cyflawni'r drosedd.

ATODLEN 3

Rheoliadau 2 ac 11(2)(e)

Materion a rhwymedigaethau mewn cytundebau gofal maeth

1. Materion i'w cofnodi—

- (a) telerau cymeradwyaeth y rhiant maeth,
- (b) y cymorth a'r hyfforddiant sydd i'w rhoi i'r rhiant maeth,
- (c) y weithdrefn ar gyfer adolygu cymeradwyaeth rhiant maeth,
- (d) y weithdrefn mewn cysylltiad â lleoli plant,
- (e) y trefniadau ar gyfer bodloni unrhyw atebolrwyddau cyfreithiol y rhiant maeth sy'n codi oherwydd lleoliad,
- (f) y weithdrefn sydd ar gael i rieni maeth ar gyfer cyflwyno cwynion a sylwadau.

2. Rhwymedigaethau'r rhiant maeth—

- (a) gofalu am unrhyw blentyn sydd wedi ei leoli gydag ef fel pe bai'r plentyn yn aeled o deulu'r rhiant maeth a hybu lles y plentyn hwnnw gan roi sylw i'r cynlluniau hirdymor a byrdymor ar gyfer y plentyn,
- (b) rhoi hysbysiad ysgrifenedig i'r darparwr gwasanaethau maethu yn ddi-oed, gyda manylion llawn, am—
 - (i) unrhyw fwriad i newid cyfeiriad y rhiant maeth,
 - (ii) unrhyw newid yn y personau sy'n ffurfio'r aelwyd,
 - (iii) unrhyw newid arall yn amgylchiadau personol y rhiant maeth ac unrhyw ddigwyddiad arall sy'n effeithio naill ai ar ei allu i ofalu am unrhyw blentyn sydd wedi ei leoli neu ar addasrwydd yr aelwyd, a
 - (iv) unrhyw archiad neu gais i fabwysiadu plant, neu i gofrestro ar gyfer gwarchod plant neu ofal dydd o dan Ran 2 o Fesur Plant a Theuluoedd (Cymru) 2010,
- (c) peidio â chosbi'n gorfforol unrhyw blentyn sydd wedi ei leoli gyda'r rhiant maeth,

(16) 1959 p. 72.

(17) 1967 p. 60.

(18) 1968 p. 60.

- (d) sicrhau bod unrhyw wybodaeth sy'n ymwneud â phlentyn sydd wedi ei leoli gyda'r rhiant maeth, â theulu'r plentyn neu ag unrhyw berson arall, ac sydd wedi ei rhoi iddo yn gyfrinachol mewn cysylltiad â lleoliad, yn cael ei chadw'n gyfrinachol ac nad yw'n cael ei datgelu i unrhyw berson heb gydsyniad y darparwr gwasanaethau maethu,
- (e) darparu gofal a chymorth i blentyn sydd wedi ei leoli gyda'r rhiant maeth yn unol â chynllun gofal a chymorth y plentyn ac mewn ffordd sy'n cynnal, yn amddiffyn ac yn hybu diogelwch a llesiant y plentyn,
- (f) cynnal perthynas bersonol a phroffesiynol dda â phlentyn sydd wedi ei leoli gyda'r rhiant maeth,
- (g) peidio ag amddifadu unrhyw blentyn sydd wedi ei leoli gyda'r rhiant maeth o ryddid heb awdurdod cyfreithlon,
- (h) hybu cyswllt rhwng plentyn sydd wedi ei leoli gyda rhiant maeth a rhieni, perthnasau a ffrindiau'r plentyn, yn unol â chynllun gofal a chymorth y plentyn ac unrhyw orchymyn llys sy'n ymwneud â chyswllt,
- (i) cydymffurfio â pholisiau a gweithdrefnau'r darparwr gwasanaethau maethu,
- (j) hybu iechyd a datblygiad plentyn sydd wedi ei leoli gyda rhiant maeth,
- (k) sicrhau bod y mangreoedd, y cyfleusterau a'r cyfarpar a ddefnyddir gan rieni maeth—
 - (i) yn addas ac yn ddiogel i'r diben y bwriedir iddynt gael eu defnyddio ato,
 - (ii) yn cael eu defnyddio mewn ffordd ddiogel,
 - (iii) yn cael eu cynnal a'u cadw'n briodol, ac
 - (iv) yn cael eu cadw'n lân yn unol â safon sy'n briodol i'r diben y maent yn cael eu defnyddio ato,
- (l) cydweithredu fel y bo'n rhesymol ofynnol â Gweinidogion Cymru ac yn benodol ganiatáu i berson sydd wedi ei awdurdodi gan Weinidogion Cymru gyf-weld â'r rhiant maeth ac ymweld â chartref y rhiant maeth ar unrhyw adeg resymol,
- (m) hysbysu'r darparwr gwasanaethau maethu yn rheolaidd am gynnydd y plentyn a'i hysbysu cyn gynted ag y bo'n rhesymol ymarferol am unrhyw ddigwyddiadau arwyddocaol sy'n effeithio ar y plentyn.